

兩浙輶軒續錄

兩浙輜軒續錄卷十目

陳昌圖 余集 洪文炳 張升吉 伍載喬

沈赤然 王紹典 朱亦棟 徐達仁 楊樹本

汪鼎 金澧 倪一擊 金翀 祝德興

程宏道 陸世崧 錢善繼 徐煥 周文會

周二監 張淵 周廷熿 陳嗣龍 張嘉猷

成金 陳朗 許祖京 趙用熊 張雲璈

姚金聲 孫功烈 邵無恙 程玉麟 周夢齡

吳引年 黃晄 鍾大濬 顧耀 董恩湛

陳濂 管濟川 應瓊 陳聖洛 王增

章詮 李慶曾 孫燕昌 陳廷獻 沈琨

應正祿 徐崇炯 陳玉垣 張志楓 汪日孜

賈朝琮 徐明昶 李堯棟 胡森桂 顧相

許機 管題雁 蔣元 陳璞 孫鳳飛

徐庚瑞 繆試雋 胡萬里 趙貽瑄

兩浙輔軒續錄卷十

督學使者潘衍桐訂

陳昌圖

字玉臺號南屏仁和人乾隆丙戌進士官直隸通永道著南屏山集

吳振棫傳略南屏童年與趙氏谷林意林兩徵君交得盡讀其小山堂藏書故學有根柢又與杭董浦太史吳西林隱君過從酬唱道入詞館高文典冊屢其儔偶嘗充三通館纂修官撰續圖譜略斷自清熙訖于明季采諸史志旁及各種書目以類相從考定源流分別得失釐爲記有記無二卷五齋夾祭兼擅其長又分撰嘉禮續典本之正史而外如諸經註疏六典會要典章會典諸編靡不甄綜而類次之其係一時之權宜而法度可傳干後調及羣儒之辨議有深悉制作之精微者則別爲註注以資參核他如遼金元之國禮亦依類增載用存掌故擢御史觀察通永有北運河添汎加夫及添募河兵派管撥船諸議可謂學有經法通知時事者也

偕趙珍程之章游南湖慧雲寺登水星閣晚歸同用昌

黎望秋韻

吟秋連襪過北墅香林選佛翻經函穿渠靜聽水瀉潄盤陀
巧疊山嵌巉闖空傑閣突兀起躡梯直上摳蕉衫小水晶宮

展畫幀蒼然平楚夕照銜挑鬢煙外盡遠翠了了不許雲封
緘烏捷臥隴曬穉稔僧雛終歲勤耘芟打鐘掃地無罣礙那
須肥遯棲荒岳竹鑪蟹眼淪苦茗泉冽不帶江湖鹹南湖上
將荒址在舊蹟指說紛謁誦繁華幻夢一彈指劫灰悲咤誰
忠讒遺文剝彫苔繡石斷碑未泐溇熙劄龍華誓願抗賤疏
眞宰上訴天帝監噉余嗜古久成癖譬如嘗鼎恣貪饒鐘魚
寥落黃葉舞一袈裟地通至誠歸途酒幔青半幅霜橙香橘
試手攬

余

集

字蓉蓑號秋室仁和人乾隆丙戌進士候選知縣

讀學士著憶漫庵稿梁

園歸權錄又百衲琴一卷

府志集以修書內徵游歷華資一典蜀試後以大考左

遷出主大梁講席道光壬午重宴鹿鳴

賜還原秩少習繪事名重都下生平吟詠甚富惜皆散佚歿

後龔麗正刊其梁園歸權錄憶漫庵稿二冊詩詞雜

文皆載
其中

李堯棟曰得秋室先生百衲琴誼之曹劉鮑謝并赴腕
下正如天孫製錦雲蒸霞蔚而無組織之迹真奇觀也

戴芭塘聽秋卷

長安六月炎歊蒸我欲赤腳無層冰虛堂晝眠蠅可憎淫雨
況挾愁雲升欵忽庭宇來秋聲蕭蕭爽籟高天澄是誰丹青
好畫手林坳兀坐吟秋叟綠筠搖碧懸泉飛看取蒼龍中夜
吼聞君擅寫湘江綠墨迹水痕千萬幅風生腕底秋更清何
處人間有煩滌

陳寶所給諫卷子

黃葉打屋風入扉冷官寒巷客到稀潁川黃門早見訪朝衫
乍卸馬不韉自言老病百事廢新詩到眼猶能披袖中丹青
小行看規範玉雪瘦不肥竹聲蕭蕭泉灑灑畫上寒綠猶侵

兩浙輶軒續錄

卷十

余集

二

衣盤陀冷坐自瀟灑攜琴洗硯勞雙奚黃門昔年面如玉黃
門之詩清可讀妍辭藥省早驚座諫草霜臺屢削牘胡爲一
病便抽簪天欲益君無事福嗟哉人生苦局促閒鷗笑人歸
不速湖上無田亦已矣頗欲相隨結茅屋

集句送桂味谷艘之官永平

初伏啟令節潘岳曜靈照空隙淹江平原十日飲陸厥談讌遺景刻

謝靈運賓御紛颯沓鮑照濁酒聊自適淹江問君欲何爲淹江嚴車臨

廣陌鮑照將騁萬里途曹植吏道何其迫張華位同單父邑潘岳微管

寄明牧謝朓屬叨金馬署陸厥遠想出宏域淹江投軀報明主鮑照羣

賢濟宏績盧謏萬里猶比鄰曹植靈山紀地德沈約元髮已改素淹江

不能效沮溺陸士綵臨河濯長纓李陵高舉振六翮古詩恪居處職司

潘岳陽春布德澤古詞時還讀我書陶潛翰墨有餘迹潘岳嘉會不可

常植託好憑三益

盧

登城眷南顧

潘岳

云何慰離析

謝靈運

洪文炳

字觀六仁和人乾隆戊子舉人官鄞縣教諭著江干草堂詩稿

家傳略公生平無他嗜好雅喜學書賦詩書法由香光入門上追晉唐詩則取法盛唐出入於蘇陸諸家與至立就惟稿多隨手散佚歿後僅遺詩草二卷

中秋贈龔玉田張雲槎

一年明月今宵好不柰微雲點綴頻愁裏怕逢佳節至客中
還仗故交親空瞻川路音塵闕無復南樓嘯詠新爲語持杯
須痛飲天涯同是未歸人

張升吉

字易門號奚疑烏程人乾隆戊子舉人官福建知縣著越門齋餘錄

西塞山懷古

道出紫菱灣
翛然西塞山
斯人不可作
溪水若爲閒
暮雨薦蘋藻
秋風聞佩環
煙波何處所
獨自棹歌還

伍載喬

字雄南歸安人乾隆庚子舉人著韋廬詩稿

庚村看桃花

幽人嗜花癖相趁無停驂環洲入窈窕重甌瞻巉巖維舟卽

村墅一枝紅壓檐凌兢度短約詰曲環漁庵村路曩香篆

鮮于

伯棧遊記云村路詰曲如行香篆中

山池開鏡奩水煙明且晦花態吐復含

然見麗質一一襯松杉玲瓏青絲帳朱顏帶朝酣兩株獨縞

袂高格離塵凡

山下有白桃花二株

似從錦繡林特作俗眼眨飛忽

下上衲子來四三遂爲蒿林坐更許玉版參幽逕僧雛掃殘

枝鹿女銜同行並好事高嘯登層嵌我無綠玉杖豈得隨趨

趨聊復效兒戲折作冠上簪臨池照鬢影下見紅鬣潛卽事

塵已屏看雲心所怵應可卜我屋就此泉水甘可憐劉子驥

眞欲尋仙潭

雪溪襟詠

東遷縣前春水昏謝公宅畔花連村雙鳩喚雨桑葉綠村裏

人家盡掩門

古東遷縣今爲村落謝村
福田寺相傳爲康樂故宅

采茶莫詡手摻摻采蓮莫詡如花顏農家瑤連村閒住自選

銀毫摹遠山

瑤連人多以筆爲業春
前選毫俱婦女爲之

陌上新陰翠欲迷筠籠采葉烏催提春來不作苗香髻爲礙

黃藤桑樹低

吳中有苗香髻蓋韋娘之謠
也黃藤桑見談論吳興志

春水龍湖綠漲天家家樓閣柳吹絲菱秧未插魚秧小種出

明珠顆顆圓

菱湖一名龍湖擅魚菱之利兼
種蚌珠爲業俗于魚苗亦稱秧

沈亦然

字韞山號梅村德清人乾隆戊子舉人
官直隸豐潤知縣著五硯齋詩文集

府志亦然少工詩古文辭自罷官後閉戶著書不預外
事與杭州吳錫麒紹興章學誠相切劘文以辭達爲主

不失
體裁

潘應椿序略梅村稱詩武林者二十年既而君宰南宮
旋移豐潤余適督耕其地時相過從讀其行役懷歸之

什憫農憂旱之篇不覺

忠孝之心油然而生矣
吳錫麒序略余與梅村處三十年矣霞姿自
標松格獨造宜其詩之竊以深閱而遠也

耐冷談梅村作吏甚廉罷官後

徜徉山水閒不問家人生產
緝雅堂詩話梅村晉書紀事詩穀人祭酒爲之序久已

傳誦如賦何曾云曾聞至孝同荀顛不道卑躬附買充
王衍云一兒死後悲何益三窟營成計亦疏陶侃云劉

宏一語真知己陸抗諸人定不如均有識解惟于劉超
鍾雅之忠節范滂之貞
固未曾賦及亦一疏也

嫁婢

人生無貴賤昏嫁當及時豈因使令之老彼青春姿憶昔入
門日短髮纔覆眉蒲伏拜階下頑駮一無知教養歷歲月始
解烹與炊爾來益曉事百役隨指麾尤善伺茶酒頗於衰病
宜已了十年債爲脫雙足縻願爾宜家室願爾無非儀迓者

已在門去去莫涕垂

五雜組九首

五雜組園中花往復還林閒鴉不得已人離家

二

五雜組作賦手往復還交勸酒不得已新婦醜

三

五雜組秋天雲往復還奏凱軍不得已諛墓文

四

五雜組遊女服往復還搖風竹不得已食無肉

五

五雜組九花虬往復還渡口舟不得已駕病牛

六

五雜組入夢筆往復還汲井繙不得已行列日

七

五雜組試官眼往復還良友簡不得已醉後璞

八

五雜組帶雨虹往復還傳命童不得已鳥在籠

九

五雜組落鳳毛往復還鳴桔槔不得已隔鞞搔

南宮舊俗元夕後一日遠近婦女皆入官衙觀宅眷爲

一年利市田家尤以此卜豐收妍媸老幼無慮數千

日夕始已去歲余惡其喧濁不復令入後適旱乾民

間咸謂此事致之雖荒誕可笑然不欲終違眾意今

年仍從其俗戲爲長歌

中堂設榻安胡牀架木作欄爐爇香吾家妻妾竟高坐紛紛
媼婢侍兩傍須臾門外已雲集挽姊呼姨魚貫入綠袴紅襦
鵲背鞦花枝滿頭揮汗溼龍鍾老嫗扶杖來欲前不前空徘徊
娉婷二八誰家女姊妹偷窺轉相語其餘意態千百呈吳
生周昉畫不成可憐堂中高坐者眉稜壓斷花眩睛吁嗟盈
甯天所賜官衙豈爾祈年地果令來觀盡有秋一月何妨一
回至

弔三女

并序

豐潤縣志三女河在城南十里相傳元末姊妹三人
避亂有兵迫至恐爲所汙遂相攜投河死一說女父
屠也沈酒麪爨唯鼓刀時差醒所與飲者皆負販乞
匄奚僮牧豎之流酒酣耳熱輒以女許之不啻十餘

輩已而強有力者知其無專屬也乃謀略女野合女
聞之痛早喪母家酷貧無親串可投愬且懼其父之
受侮辱也遂互相抱持哭於關帝廟攜手赴水俱死
鄉人得其屍三女手相攜堅不可解因葬諸河澌近
已無復存矣至今邨中關帝廟神座後北向塑三女
攜手投河像慘戚之狀栩栩如生云余來往其處旣
憫三女之姓氏湮沒而年世久遠無可徵信勢不能
以其事上聞俾垂不朽悲夫爰爲歌以弔之

嗚呼噫嘻三女居何里生何姓稽諸故老均莫得而知徒指
古廟北牆上塑爾姊妹貞秀姿愁眉淚眼六手相攜河之湄
吾觀縣乘所載本異詞或云避兵義不辱而死或云父乃鼓
刀屠狗兒灑於酒但與同飲不問葦童牧豎皆以女許之中

有桀黠者不知壻果誰遂謀劫掠唯恐遲傳之女耳涕交乎
願身不可汙兮父不可怨存不可棄兮死不可離指波心兮
牽臂奮一躍兮連屍此二說者均無可訾元明表揚竟不及
當時守令何所司壞壁兮塵蒙河水兮淪漪崖屢崩兮冢沒
魂無歸兮長飢嗚呼噫嘻吾不能爲爾請兮徒悲歌兮何爲

楊忠愍公石印歌爲方柘湖孝廉作

嗟此一片石上鐫椒山名公名本不朽石乃因公榮士夫尙
私印雕鏤一何精立身苟不正適汙牙與瓊公養浩然氣道
重一死輕蛇膽曾笑卻龍鱗偏屢嬰所以盡臣節豈假沽直
聲寒風吹枷鎖冤獄誰爲爭此印從公久公歿遺榛荆流落
數百載完好如初成方子客京邸百錢購以行墨質頗光黝
白文何分明摩挲手澤在稜角寒芒生獨角獬豸紐張吻如

欲鳴薰沐拜觀畢肅然肝腑清公家本不遠後人讀且耕疏
草至今在得此二寶并中或有天意曷以歸容城

王紹典

字畚經號紺園諸暨人乾隆戊子舉人官泰順教諭著悅心樓詩鈔

沈復燦曰先生爲月槎刺史之尊甫館西泠時主人不戒於火行篋盡被劫灰僅存此吉光片羽矣

泊滄州

歸程且莫問風好有來船樹杪片帆出北河無山沿堤多柳蔭竿頭百丈牽羊腸盤屈曲蟻磨各周旋河勢環繞漕船如往而復幾不可辨暫此銷長

夏蒲團殊未穿

至嶺南喜見家兄

不信一爲別於今十六年離情歡聚首總角想隨肩細認鬚
眉老因傷瘴癘纏牀頭頻聽雨相對轉淒然

朱亦棟

初名芹字獻公上虞人乾隆戊子舉人官平陽教諭箸松雲樓稿

校官詩錄獻公經師人師望若山斗解錢嘉定友邵
二雲箬有十三經札記羣書札記二種均有心得

呈李石帆先生

天子命公柔南邦江南刺史今無雙古譙向稱言雜隄再使
風俗登純厯春雨一犁有耕耨明月花邨無吠犬城頭更鼓
聲聳聳令嚴不驚夜行柳到處父老眉秀龐竹馬兒童迎碧
幢好句公餘相擊撞夏石敲金韻琤璫樽酒杯茶果露瓊短
檠一一對韓釭當其鏖戰矛戟縱凌雲意氣筆獨扛屈注銀
河瀉飛淙老漁跳波龍驚瀧險韻巧緣都盧撞綺麗餘霞韜
錦杠淨洗郢中春雪腔折楊嗑笑心先降杪秋苦雨洪流洛
拍岸驚濤水縱縱竹箭龍門駛如駟舳艫千里飛輕艘公督
水工排水椿一帶虹橋平如砥僕也賦性本愚蠢飄泊渦陽
帆一雙翡翠已看戲蘭茝寸莛妄擬華鐘撥把君詩卷心目

雙朗若金篦刮其曉華嶽三峯插天峴竦立如對蓮花躡曾
憶今春訪才江空谷驚聞足音楚何當翦燭吟西窗香潑松
醪傾玉缸

北行道上口占

征途渺渺柳珍珍客裏風光祇自諳千里暮雲詩乍得一鞭
殘月酒初酣衝寒不耐蘇裘做晚食還憐胡餅甘知有金錢
擲鐙下可曾歸夢到江南

送何孝亭

翦燭西窗已隔年何堪馬首又南遷酒人燕市悲歌發燕子
高樓舊夢圓春盡梨花如雪落雨餘楊柳向人憐班生投筆
非容易珍重長途拂錦鞵

徐達仁

字璋亭號滄嶼金位子常山人
乾隆戊子舉人官昌化訓導

縣志達仁孝事父母學問淵深諸文甚夥惜多不傳著有四書釋義四卷任昌化訓導半年歸

遊龍山

竹外斜陽淡松閒好月來清陰疑洞府空翠入樓臺野鹿衝烟斷驚禽撲水迴拂衣最高處興趣亦悠哉

楊樹本

字大立桐鄉人乾隆戊子順天副貢歷官湖北鶴峯州知州善撰院瑣志蔭軒詩文稿

屠本仁序昭先生編歷滇黔志齊魯遊蹤宦迹無一不見於詩其尤著者防守施南詩志意激發彷彿元道州春陵行及賊退示官吏二篇采銅之役萬里南行歌詠勞瘁卽以指晰利弊較之長慶集中諷諭諸作更爲詳切信乎詩通於政而鶴峯一州之治不足以盡之矣

施州底定喜而成詠

清時正好樂躬耕小醜猖狂太矣生身與艱危支半載心留冰雪寄孤城捷書夜到花爭發勝旅東來屣倒迎從此先疇各無恙山民珍重享昇平

孝義婦

并序

乾隆庚辰里人沈昌宏病篤妻李氏念翁衰子幼夫
死無以爲仰事俯育計遂早夜顛天自代又焚疏詣
東嶽祠哭禱越五日婦無疾逝昌宏病旋瘳兩子俱
得成立事載郡邑志里中紳士文詠甚多餘歸老後
始諗其事因補紀之

濮川多女宗昔曾列瑣志惟愁閨閣賢耳目恆弗逮茲於沈
家母所行歎奇至聞當夫病危祈天身代斃衰翁旣遂養箕
裘得無墜至今里鄙間言之猶隕涕余初耳是說頗訝報施
異婦旣願代夫應并代者貫何令孝義人一朝竟長逝旣乃
穆然思權衡悟天意從來死與生數定非強致假令夫遂亾
婦必以死繼夫婦數俱絕本無寬假例精誠格皇天神明默

調劑是以夫算延婦名垂奕世郡邑采賢名褒揚備傳記

汪

鼎字峙中號卓庵錢塘諸生

吳錫麒撰墓志時中居紫陽山下分別墅之半巖廬結吟社招客把酒賦詩生平篤門內之行又好行其德交游戚族倚以畢婚嫁喪葬者不可勝數

金鼓洞

何人闢此山夜半響金鼓窅然巖壑深遂爾成洞府惜哉無
屋居野鼠窟荒土因山便團茅結構始吾父年年道暑來似
裏涼秋兩鐘磬聞碧空煙雲互吞吐遠分烏石奇旁連紫雲
古我亦娛清遊此閒時步武林莽寂無人風聲猛于虎靈龍
躍巨湫黃舍山羽士句道侶吟非苦何當結詩盟霞外同領取

金

澧字有蘭錢塘諸生著華萼堂遺稿

府志澧以孝友著稱所爲詩文雅健宏深力祛纖浮之習任魏塘爲之傳

春寒次樊榭韻

春風作寒池有冰羊裘漫學嚴子陵冥冥夜雨煙薄凝何時
明月天中升峭寒入骨衣難勝凍疑釀雪去臘仍蕭齋靜坐
同枯僧衾裯如水冷吳綾山肩吟聳煖未能花垂漸暗窗前
燈夜深清夢落枕稜風檐鈴語殊生憎梅花如雨滿南陸白
同霜壓紅霞蒸

倪一擎

字建中一字筆農號嘉樹仁和緒生

杭郡詩續輯嘉樹本姓凌爲忠介公後少負文名從游者甚盛晚年失明自號不盲心叟而授徒如故學者以文就正則令一人讀之應聲刪定不少差謬

戊寅季冬同人觀龍興寺陀羅尼石幢分得會字

經幢立崢嶸寶氣出塵瑳介石利用恆占方鎮其兌亭亭聳
簷牙顛頂見垣外徧刻陀羅尼毫鋒結鉗欽造自開成年倒

薤壓函蓋舊聞舍利藏出自佛三昧事述波利師至願忘顛
沛瞿曇吐祕密偈頌詳梵貝獲賞龍虎文不致蛇蟬蛻宣和
書譜存處士季良最篆隸真草兼妙蹟徧吳會司業碑俟訪
會昌石無害筆陳壓凌曹堂堂卓旆旆吾儕抱古癖搜討意
尤銳眸豁增雙明心愜有餘泰浮榮對此銷慧業向佛句商
畧拓其文一紙抵十賚城坳隱蹟陽松頂刷寒籟摩抄與不
淺遷延去無柰銅仙辭古苑石杵斷荒蒼細推乘除理浩歎
法門大

金

狝字振之仁和人官山東
鹽課大使箸香涇詩鈔

水仙花

春雪壓簷水生骨東園桃李花未發水仙有意凌莫寒素影
朦朧漾殘月我因花事增嘆嗟煙浪微茫夢飛越金支翠旗

光有無貝闕珠宮影明滅冰夷擊鼓急響停湘妃奏曲繁聲
歇彼姝者子六銖衣微步生塵見羅襪花魂咫尺洵有靈一
點冰心慰寥闊憶昔嘉種羅華堂分箋其逞生花筆名並三
閩六瓣奇哲兄得句真清絕名與三閩並香惟六瓣奇先兄水仙花句也同君解
佩返瑤京石上菖蒲空九節欲吟楚些歌大招新詩誰補湘
纍闕杜蘅芳芷眼迷離物是人非那忍說仙漿未飲熱中腸
聊取寒泉薦清潔梅兄馨弟倘相攜應到蓬萊水雲窟

祝德輿

字南筠海甯諸生著延綠草堂詩存

查探序略芷塘侍御以承明著作之才和聲鳴盛悅親一集溫厚和平得風雅之正南筠繼起詩有家學迥非凡近故其詞特工

題方正學畫雙松圖

畢宏不作韋偃死畫松何人得其似侯城先生讀書種潑墨

龍鱗空中起洪武八年歲旃蒙寫祝應奉丹崖翁黛色參天
霜皮古亭亭不與凡材同金川門破鼓聲裂公先仗義殉大
節學士詩篇逐電流少師畫竹隨煙滅茲圖流傳四百載懍
懍生氣依然在十三陵樹已荒涼歲寒之心常不改通靈飛
去孰敢顧忠貞遺墨神呵護不然古來畫手指難勝區區雙
松何足慕

訪姜貞毅墓

諫草陳墀後流離宛水濱節倅蘇屬國心是楚靈均故苑臺
游鹿空山石臥麟百年英爽在揮淚薦蘩蘋

蟹簞

霜落長空露乍稀江湖處處密成圍蘆花如雪排秋水鐙火
微明傍釣磯堪笑橫行皆失足不知躁進是危機從今莫詔

脂填腹多少漁人羨爾肥

題沈蘋濱吳門草

殘照西風短簿祠千秋勝蹟費尋思前身應是青邱子詠遍
蘇臺襍體詩

縱橫健筆挽頽波助得江山爽氣多擬放金閭門外棹清辭
爭聽美人歌

陳孝子詩

吉玃年十五代父思捐軀孝行一朝著千載光史書曠覽里
閭閒成人或不如諄語起箕帚德色形穰鋤賢哉陳孝子至
性超庸愚慈父早見背煢煢與母俱忽焉母構病抑鬱何由
舒日夜侍湯藥蠟蝨生衣襦禱祀竟無益參苓效亦虛引刀
違割股淋漓血霑裾促婢急煎湯進母不稍紆造物鑒其誠

頓將二豎驅飲罷疴立減神氣漸安愉療母與救父迹異心
相符喧傳遍遐邇嘖嘖咸嗟吁或謂此愚孝究非中行徒全
受須全歸不聞宗聖乎身乃親遺體何爲毀肌膚豈知當今
世孝養且猶無有酒招朋侶有肉飼妻孥將徹問所與我僅
聞先儒況劊身上肉酸痛應心區以茲勵薄俗所裨豈鮮歟
握管聊賦此采風俟軒輿

舟次橋李

春入南湖景色饒重來衝曉暫停橈東風草沒蓑休宅細雨
煙迷陸贄橋遺閣先開書一篋消寒且盡酒雙瓢明朝擬訪
眞娘墓幾度占晴燭故燒

題吳厚村

德基
聽泉圖

句吳公子青雲士裹足不肯入城市終朝趺坐兩崖閒不獨

樂山兼樂水水聲潺潺靜且幽天籟彷彿含宮徵雲璈之奏
簫韶樂一一盡入先生耳伊余總角其論交幾度高山空仰
止但畏祖生早著鞭還欣叔度堪消鄙興來有時操不律恢
恢萬言倚馬俟黃華水簾匡廬瀑化作文瀉湧繭紙檻沈殊
名莫久耽鶴書招爾煙霞裏

程宏道

字邁鴻
昌化人

石鏡山

拾級尋幽勝千崖一照中菱花凝水碧潭月盪雲空翠岫分
眉倩蒼煙點畫工山靈勤拂拭清影鑒何窮

陸世崧

字虞封號良翁嘉興
人著蟬吟草四卷

屠廷標序略虞封落拓不羈性嗜學弱冠卽善吟詠
不事雕琢獨標新穎晚年法益老體愈蒼不愧風雅

戊寅除夕

兀坐黃昏候愁聞爆竹聲苦吟餘瘦骨多病淡虛名詩債經
年了窮愁百感生等閒拋歲月此夕獨舍情

錢善繼

字成甫號卓齋秀水諸生善嶼隱居詩

孫諱曰善繼爲蕪石先生從孫工吟詠兼精醫學

櫺聲

寒月山城外秋風漁浦中夜深聞更遠湖闊響來空水枕斷
歸夢蘆灘驚宿鴻吳歌同唱去轉惜太怱怱

徐煥

字拙子烏程諸生箸盤雪樓詩

晚起

晚起眞成癖清閒得未曾烹茶桃翻雪暈紙墨凝冰畫好花
堪摘詩矜字有稜生涯我自得不覺歲年增

樸存齋秋日雜詩

竟日無佳客清齋自放頭花明半幰月柳散一溪煙病已不
辭醉詩高定入禪每憐謝太傅絲竹感中年

周文會

字甫匡鄞貢生
官樂清訓導

經蜀山渡

風靜潮聲急天高夜氣涼扁舟經古渡百里卽他鄉雁宿蘆
花月烏嘯楓葉霜不堪回首處愁思轉茫茫

姑蘇送友之楚

一曲驪歌不忍聞搏沙小聚又離羣班荆知有前期在折柳
難禁客感紛紛渺渺帆飛淮海月迢迢夢繞楚江雲二千里外
遙相望何日重論別後文

周二監

字姬撰諸暨諸
生箸西巖詩鈔

犬搏虎行

一夜里巷徧傳語小犬乃能搏猛虎西村李叟六十餘受盡
飢寒老困苦身外獨有犬自隨家中不見人同處曉持斤斧
入山林欲采束薪換勺黍山半腥風撲面來餓虎突出齧其
股當時亦有同行者奔伏叢草色如土犬兮忽爾騰身高異
哉一旦健而武直抉虎目跨虎背以小制大虎竄去犬直導
主棄薪歸負傷未重力可努我聞其事兼信疑就叟諮之叟
舌吐若非此犬能捍吾葬身虎腹同肥豸犬雖有力能幾何
義勇獨不畏強禦微物猶知報主恩狺狺豈屑盧令伍龐然
應笑黔之驢踉齧之伎能幾許

張

淵字潤夫
臨海人

述祖德詩

吾祖哲齊公世居東海上嗜書築芳堂風裁自閒曠會丁宋

祚戾天子誤置相無地可灑血志苦神色悵丞相航海來角
巾暮過訪國運當艱危臣心貴忠亮人定天可移孤軍義先
唱嗟哉厓山敗蛟龍其余葬至今俎豆崇廟貌極英壯不朽
仙巖名同志若相望新祠又幾歲直道今未喪再拜懷清芬
小子不敢忘爲臣當似此千古一淒愴

周廷燿

字啟宸號薇巖金華諸生著薇巖詩草二卷

胡鳳丹曰薇巖少孤母陳氏矢節教育蜚聲庠序爲朱笠亭院長所賞

春日書懷

一聲鶯語滑春已到林邱縱有三升酒難消萬斛愁病纏蠶
作繭夢幻蜃爲樓可柰頭如雪衰殘戀傲裘

陳嗣龍

字紹元號春敏平湖人乾隆己丑一甲三名進士官至都察院左副都御史

石瀨山房詩話春敏以乙酉選貢應戊子京兆試在號舍見一人立燭影後自稱是同里陸念劬卽君前身一

信久暴露，吾貴幸爲留意，諾之而去。榜後，寓書家人，蹤迹之得其處，加封樹焉。蓋陸本辛酉選拔，與梁、蔣、林相國並爲王、交、河學使，所賞以大器。目之後，薦舉鴻博，以事失散於交、河。

延試

報罷，抑鬱南旋，託於元學以終。精靈不泯，洩於再生，理或有之。

遂平館舍和褚筠心前輩韻

幾日看紅葉重來，蔭綠天霜華憑點。綴樹影得清圓，讀畫雲生壁，敲詩硯。滴泉僕人貪偃臥，那解愛便妍。

旅迹原泥爪，翛然客思增。林深遲夜漏，風細颭秋燈。小憩何嫌久，迴闌取次憑。皇華期報國，信宿敢云能。

張嘉猷

字良弼，號雪漁，錢塘人。乾隆己丑進士，官安徽當塗知縣。

仙霞關懷古

絕磴盤空削萬尋，雄關重鎖白雲深。松杉戰雨初凋葉，鸞鶴

飄空偶墮音地接甌閩分冷煖氣鍾山海變晴陰幾番登眺
頻回首落落殘霞冠碧岑

成

金字聲大城從子仁和人乾隆己丑進士官工部主事著叢桂堂吟稿

秋夕

高梧葉落大如掌酒醒風回秋骨爽招涼小坐鵲影低倦眼
忽開新月上平生潦倒阿奴態拓鞞狂歌氣無兩王翁擲笛
掃塵心野鶴孤飛入雲響翻然變調落高涼關馬飛霜柳營
敝丈夫壯志欲投筆悔不長征縛袴往何爲低頭拜東野散
髮年年困菰蔣博空雕鸚雲幾重掉海鯨魚浪千丈詩成一
笑天宇高萬里銀河意蒼莽

陳

朗字秦暉號青柯平湖人乾隆己丑進士官江西撫州知府著青柯館集

蒲褐山房詩話泰暉以乾隆庚辰領解癸未會試卷在
子房四書文典雅肅括薦時總裁皆曰可元而秦文恭

公以論有小誤擯之既揭曉始知其名悔已無及矣蓋
庚辰浙江主試卽公子泰鈞編修也後以己丑成進士
改刑曹兼長案牘劉文正公深相倚重而君性沈默且
嗜酒不善於同事至上官相待亦疏久之循例出爲太
守非其志也嘗有句云塵緣良己了幻相此何論又云
養生託莊老齊物任彭殤則其於去來閒故已視如露
電矣

楚江返棹

雨止月未上蕭蕭楓葉丹柁聲放溜急帆影入雲寒村酒難
成醉旅愁耐可寬扣舷何處客漁火在前灘

玉帶河雜詠

我家亭館號青柯門巷前臨玉帶河北去松風港影直相思
堰畔暮潮多相思堰在城北與東湖潮汐相通

尚書別墅枕寒波石徑蒼涼長綠莎猶有當時鴨腳樹秋來

留得夕陽多南岸有陸莊簡公廢圃

石帆山用謝康樂遊赤石進帆海韻

到海地形盡山勢殊未歇突兀見石帆遠與波出沒孤頂凌
四垠遠島渺一髮轟轟胥濤翻颯颯颶風發陰火燃秋霖陽
冰結炎月時見樵牧人挂席來百越嵌空絕壁下想像白龍
鬮盤渦激雲根落日意超忽回首長牆山丁丁樵斧伐

題蘭泉先生三泖漁莊圖四首

聞道漁莊好高居三泖閒門前滬瀆水屋角細林山塔影中
流直鷗羣別浦閒京華清夢遠畫裏認柴關

雲水連天闊煙蘿隔岸遙夜潮移滬葉晴日養魚苗草偃鷗
鷁舍花藏畧釣橋此中多樂事可以酌霜匏

處處山臨水家家耕復漁人披青襪襖船掛綠脰疎返照宜
修網澄潭好射魚春申浦畔路絕勝五湖居

三江古澤國風物最宜人名貴朱衣鮒松江有朱衣鮒見陸魯望詩註羹傳
紫綫莼鄉園饒野思毫素見清真欲挂帆竿去相隨理釣綸

春繡詞

紅襟新燕已誦誦陌上天桃開兩三買得越溪絲半幅唾絨
寫出小江南

寄懷沈雲椒

之子別來久春風彈素琴相思芳草積獨夢落花深孤館我
常閉名山君可尋重湖柳色好何日共披襟

贈查丈致堂

致堂名果海昌人爲山左吏目不受一錢
孺人自操井曰上官重其清介今僑寓天

津年已八十九
矣猶能作楷云

老屋傍秋城門閒少送迎方袍舊循吏竹杖古先生聽語思
鄉國論文見典型平生牀下拜端爲此翁傾

刈麥行

隴頭日正長隴底麥已黃黃雲垂垂一夜熟雉子生斑飛上
屋道逢刈麥翁腰鎌走墟曲翁言前年水沒田我麥生耳炊
絕煙今年春旱天無雨日炙龜紋圻焦土幸逢暑雨似翻盆
大麥雖枯小麥存我老豈有倉箱願得食猶備饗與飧請君
嘗此盃中麥麥飯一盃汗一石

錢籀石宮詹爲余作江鄉寒柳圖卽題於右

江沙漠漠江流靜江邊老柳添幽景遠浦風來掠地涼
殘枝斜復整誰與逸品寫蕭疏祕閣先生硯池冷古箋米色
墨無多彷彿搖動月中影亂鴉未醒飢雁鳴此中況味漁家
領他時歸去掉青篷蘆花深處提笞箸

送姚姬傳郎中歸桐城

君非不得意欲返龍眠山此日辭青瑱先期放白鸞甯貪解
帶樂爲戀舞衣斑宛水流千里郵筒寄莫慳

許祖京

字依之號春巖德清人乾隆
己丑進士官至山東布政使

縣志祖京疆識過人少時所見文字至老不忘在內閣
時充一統志纂修官又修西域圖志西域同文錄勝朝
殉節錄皆一手成之著
有詩經述八卷詩四卷

入棧三首

凌晨涉渭水戒道山南行遵麓漸犖确厯嶂連崢嶸峨峨益
門鎮在昔屯雄兵秦巖繞北峪峻險奪先聲小憩僧堂靜篠
竹含餘清幽澗石齒齒流泉琴琤琤青蔥望杳靄百丈藤蘿
縈有如畫冊展幅幅煙巒橫涼風襲襟袂颯然秋思盈一峯
何突兀彷彿支茶鑄巨嶺畫隴漢大壑東西傾盤娜勇初賈
進銳懲人情譬彼陟堂奧企足先門楹棧雲懸馬首蕭蕭登

曉程

我升雲木杪健鶻秋摩空層梯轉而下躡澗凌修虹湍流匯
成川西去嘉陵通灘石不可舟不然乘長風鬱起五星臺劍
鏘森當中光景互虧蔽草木深蒙茸雲天與上下變化如游
龍到眼無坦途承跗多危峯巖關接大散荒榛渺遺蹤山下
兩當水始發泉源蒙縈紆山水窟升沈奚可窮暝色赴幽谷
投宿煙溟濛

暮宿鳳山城朝陟鳳山麓嵯峨萬仞梯懸崖蔽林木岐南地
搃險茲嶺險尤獨西口延褒斜要害制其腹磴道千餘盤盤
盤闌虛谷晝晴時向晦徑曲互往復宅幽而勢阻溜響看飛
瀑不知置身高惟覺雲氣屬縱眺羣山橫何處訪靈囿未識
鳳來遊頗見鹿攸伏

時草開有鹿跂行

往事嘆荒涼行迹畏瑟縮志

士懲懷安作歌告童僕

宿理安寺

一徑入煙霧空濛雨後峯荒蹊時沒屐斷礪忽聞鐘到寺寒
杉直當樓翠巘重吟詩隨永夜妙義證禪宗

趙用熊

字元仲蘭溪人乾隆己丑進士官戶部主事

南歸作

雄飛雌伏總難知慚愧風塵待老時自是東山高臥慣非關
北闕上書遲春餘故國花千樹人倚危樓酒一卮最喜遊歸
饒樂趣吟鞭須拂綠楊絲

張雲璈

字仲雅號簡松晚號復丁老人錢塘人乾隆庚寅舉人官湖南湘潭知縣

姚椿撰墓誌簡松于學無所不窺尤長于詩選湖南安福知縣調知湘潭地當衝劇審理積訟人以爲能尋謝病歸卒年八十當七十時猶步至湖上或登吳山與文士賦詩談笑無異少年

梁履繩序略仲雅先生綺歲風流馮矜發詠不爲

寒苦厭他東野之囚不墮穠纖食彼西崑之藪

馬履泰序略讀仲雅詩終卷如對潘

岳夏侯湛一輩人令人自慙倉楚

趙翼跋略仲雅孝廉學博才雄思精筆銳讀搜神記僱

佳好食松實以遺堯堯不限服松者簡松也受服者皆

三百歲愛其事

因以名集云

抗郡詩續輯簡松著有簡松草堂詩集二十卷蠟味小

稿五卷歸鯉草一卷知還草四卷復丁老人草二卷又

有文集十二卷金牛湖漁唱一卷三影閣筆語四卷選

學膠言二十卷選藻八卷四寸學六卷垂綵錄十卷

楊鄴都殉難詩并序

楊明府夢槎無錫人乾隆丙子孝廉任四川鄴都令

值金酋逆命調赴軍營監製礮位屢有功癸巳六月

大軍至木果山夜半賊劫礮局遂擁公去環叩用礮

之法公陽教之而陰詭其製反裂殪賊無算賊酋切

齒剝公屍如泥事聞 詔贈兵備道 賜祭葬

蔭一子如其官

木果山前陣雲赤紅衣大礮轟天拆金酋肉破飛滿空戰骨
千年不能白楊侯手奉將軍令一擊能殲萬人命礮局驚傳
製作精鐵騎雖行不敢橫賊冒萬死來急攻計劫礮局先劫
公有公不患礮不工首崩厥角請命同公僞大笑欣相從教
之樞紐藏其中忽然反走軍無功奔馬倒蹶深谷窮狂蛟退
入馮夷宮賊如落葉隨迅風快掃屯蟻巢爲空殘骸膿體不
見蹤人血作雨漫天紅賊眾恥爲公所給露刃攢公骨俱碎
萬點寒沙萬點燐儻化陰兵成一隊

朝廷痛惜褒忠魂贈官賜葬蔭子孫賊雖恨公重公義鄴都
嘖嘖名猶存以賊攻賊賊不知轉環計妙乃若斯君不見楊
侯之心本鐵石楊侯之手直霹靂

雙忠祠 并序

予客揚州寓居通泗門內居之對宇有雙忠祠祠中地悉爲居民所佔僅存一額初不知所謂雙忠者何人又絕無碑記可考後閱邑志始知祀明贈太僕高邦佐及贈按察僉事陳輔堯皆死國難者故稱雙忠按傳高字以道襄陵人隨父業齧於揚萬歷二十三年成進士歷官蘇州道終養歸天啟初起參政分守廣甯值熊廷弼王化貞構隙邦佐知事必敗乞歸方報允而化貞棄廣甯走眾謂邦佐可入關邦佐叱曰吾一日未去則一日封疆臣也將安之夜作書訣母策騎謁廷弼請授兵赴難廷弼不納邦佐仰天長歎泣語從者曰松山吾守地當死此汝歸報太夫人遂

解印綬自經僕高永亦自經于側事聞贈太僕寺卿
謚忠節陳字九室萬曆中舉於鄉令歸善考績以天
下第一清官擬授御史旣而改牧膠州有餽山藹者
受而懸之公署升永平府同知甫至任經畧檄赴瀋
陽印馬事未竣而遼陷從者諷之急去輔堯曰孰非
封疆臣奚去爲引佩刀自刎以死事聞贈按察使司
僉事謚忠烈二公在當時從容就義爲一時所難迄
今纔二百年而壞壁積垣蕪圯已盡不惟春秋之祀
典闕如詢之土人且不能舉其姓氏以是知忠臣義
士泯沒於荒煙蔓草之中如斯祠者蓋不少已予獲
居祠下無由一瞻廟貌良深感喟爰備錄其事而系
之以詩

片額題猶在雙忠蹟已荒去留存國是生死戀封疆命畢朱
絲綬名垂白刃霜我來祠下住無處真椒漿

兕觥歸趙歌

并序

明神宗之五年江陵奪情起用虞山趙文毅公

用賢

及編修吳中行疏劾之予杖論戍許文穆公

國

時爲

庶子鐫玉盃以贈吳兕觥以贈趙兕觥之銘曰文羊
一角其理沈黝不惜剖心甯辭碎首黃流在中爲君

子壽是觥傳之黃端伯陳潛夫又傳之章藻功何毅

音諸人今歸曲阜顏氏文毅後裔者庭明府

王槐訪

律之乃走豫章請學使覃溪翁先生詩文爲介并別
製玉觥易之以歸徵詩於諸名士予重其事可傳勉

繼珠玉之後

鳳皇詔下慈烏里聖室驚看棘人起手拋苴杖換魚須絳繅
朝衣拖慘紫

朝野雜記大臣奪情者服慘紫之袍

相公名重在金甌朝士書飛

滿銅甌玉堂仙人動白簡姓氏羣傳說天水彤庭拜杖血肉
飛屈軼當階差可擬君門萬里無勝餞祖帳同朝酌清醴咒
觥一角似神羊嶽嶽清威防觸抵酒酣耳熱意氣動銘語琳
琅無溢美蕭然行李出都門何幸相隨其遷徙微物由來有
護持魯市流傳動逾紀收藏卻自亞聖後彝鼎同時藉丹緹
公之賢裔重物色走請鴻文具筐篚以玉易犀無吝容合浦
珠還庶堪比傳聞顏氏久護惜不許塵沙橫相被玉觥借此
存舊蹟豈有貪心論倍蓰使君健筆作介紹其事皆堪附青
史江陵氣節張天下身後頻遭繫帶褫紛紛寶器歸朝廷深
悔從前構遠邸

江陵以遠如訟冤被籍

一物何曾返故家過眼雲煙已

如彼此觥何意落人閒奕禩相傳到孫子題曰歸趙亦奇合
事有數存非偶爾居然聲價比連城懷璧於今完不毀要知
所寶不在大玉碎金尊同敝屣二百餘年口澤存薦以黃流
公亦喜奪情首議倡者誰其說當年侍郎李幼孜以鱣爲撻
酌爾魂地下懸知額有泚

雅雨山人詩冊爲葛二林明府題

德水聲華已渺茫卻從遺冊問滄桑分明風格郎錢在莫認
新城一瓣香

壇坫宗盟往事空才華一代水流東無人說士甘于肉長對
孤寒弔寇公

廿四橋頭迹尙傳有人遺恨說前賢市門拾得殘叢字指點
龍華小劫年

盧學士抱經先生壬子重遊泮宮有詩紀事寄呈四首
銀魚愛作碧山棲猶向巖門認舊題老鳳自依阿閣影神駒
先駟渥洼躡諸生簪紱春風後學士聲名北斗齊絕似勝遊
誇萬里初程回首未應迷

一領青衫六十秋錦袍相對記前由繫鞵久嬾花輒步扶杖
重來泮水遊文獻豈同微杞宋鼎彝誰復辨商周當年濟濟

稱多士那識清華在上頭

南面皋比擁百城

公時主毘陵龍城書院

依然指點說蓬瀛達尊合就

膠庠養選士猶喧黨塾名折角鹿知經義顯渡河豕賴校讐

精

公喜刻書校本最精

縱教長把儒冠戴也是人間老伏生

名壽應教一世推魯靈光殿鬱崔嵬漫言劉向題書錄

公庠名嗣

宗眞見温公是秀才

温公居洛以司馬出程伯休父鏡裏芙蓉每自號程秀才見邵氏聞見錄

蓉誰許並門前桃李舊同栽鹿鳴他日傳佳話再看婆娑白

髮來

扇指戊午公又重遇鹿鳴矣

烈女行

并序

烈女何氏父業漁許字同村李氏子未嫁而夫死女欲往守父母不許女潛自經未絕而得救父母防之嚴女亦若爲意解者伺父母他出乃投於水逆流至夫家門止而不動合村驚異之官爲申於朝得旌

金山劉參戎爲之徵詩

謂婦身未嫁謂女身已許未嫁死何從已許生有主女而不婦義別有取君不見巢縣何氏女一解何氏女李氏聘不幸妾夫死短命欲殉之以雉經去嗟哉兒女太烈性非女性之烈恥有二姓二解父母驚救悲痛不禁淚下潄潄女陽爲平常以

慰父母之心其意轉深

解三

夫住西溪頭妾住東溪頭夫家門

前水妾家門前流門前水不流送妾還上游生不入夫門死

向夫門留至今溪水香至今溪聲愁

解四

可以無死可以爲嬰

兒子何以必求其死而後止女曰矢靡他視彼中河

解五

朝廷褒揚綽楔賞之士夫稱美詩歌獎之問女所生在漁村

古來奇節豈必名門

解六

都門過外舅嵇文恭公故第有感二首

曩時甲第數街西此日朱門望轉迷相業久經看墓碣居民
猶是說沙隄賞花人憶裴中令制淚吾同李玉溪三十年來
甥館客不堪重覓舊留題

嬾眠街裏幾遠巡猶是當年落魄身棲宿曾爲堂上燕徘徊
誰問路歧人火城殘燭虛無影銅鑰題封舊有塵老屋區區

留不得而今方識相公貧

時第宅已屬他姓

題韋靜山通守所藏翁覃谿學士儀禮校簽卷子

并序

靜山箸儀禮章句蠡測二書學士爲覆正之簽百餘條靜山蒼而裝池之屬同人題詠子因得附長歌于

卷末

我昔束髮讀儀禮如箝在口誠爲囁塾師援筆手屢縮輕易不敢施丹鉛雖云在今無所用歎其盛者早自昌黎韓奇辭奧旨綴大要每思進退揖讓於其閒惜哉不與正脫謬反令聖制輸鴟冠

昌黎讀鴟冠子文字脫謬爲之正三十有五字

解經巨手推後鄭賈氏

章疏誠難刊惟於章句未昭晰徒使佶屈同殷盤後人多以

意屬讀一往津逮終無端齊隋黃

慶李孟哲

導先路二氏之

疏今莫傳公彥尙復舉其謬諸家南北何由觀賈疏亦復有

可議未必攻擊膚仍完試番齒牙舉數義聊當洗垢求其癥
卽如冠辭伯某甫疏謂二十字已然至年五十始去甫其說
未免成拘牽尼父諫辭見盲左何以七十稱此猶相連上冠禮疏

聘於他國致私覲階東拜幣其意虔前時享幣未嘗拜謂非

己物無由前欲將君命更須敬疏語宜補經文全聘禮疏姑存

主婦主祭祀鄭注具在特性篇特性饋食禮主婦纓笄青衣注主婦主人之妻雖姑存猶

使主祭祀母年七十自與祭此說未敢相爲安甘羅上卿事在史

相秦之說何有焉當時秦方尊仲父童子安得侵其權喪服疏

其餘闕西之入更顯悖聘禮疏賓之入闕與鄭注玉藻異朝溢夕溢之米尤

喧闐喪服朝一溢米夕一溢米疏既載於本篇復於士喪禮載之各數百言張皇補苴待後起

豈敢有意攻前賢靜山通守吾畏友孝先腹笥常便便其於

儀禮更肆力如肱三折醫能專君善醫條分件繫理解確層見

側出天心穿北平先生老宗匠有道之正留眞詮一文一節

視全策貫串直欲通周官

賈溪先生云一文一節視如全經可也又云治儀禮者必於關涉周

官處用意使二經貫係於一

斯言獨能舉其大尋行數墨終何關光分天

祿三日火巖電照耀清臚寒簽書一百六十一勝集狐腋窺
豹斑裝成不許蟬粉汚墨妙已見秋毫顛君早拂衣棄青紫
復向故紙埋頭鑽讀書不放難字過甯琢肝腎凋朱顏等身
之著誰復盡讐校爲君一一細拾殘叢殘

聞人談逆匪殺人之慘爲之髮指因紀其實三首

烤火

縛人置烈火上炙死之謂之烤火

積薪厝火烈燄高中央置人同焦羔穿脇入腹腸肺熬百脈
空涌如奔濤裂膚不見血但見流脂膏人人願求刀下死白
鐵斷頭涼似水

澡浴

以沸湯投人其中謂之澡浴

鼎水百沸煎人魂命畢湯火如雞豚殘皮腐肉棄滿地百萬
但飽鳶鳥吞鳶兮烏弓汝莫食此是良民未從賊汝不見鄖
襄多少迫脅人挽盡西江澡不得

戴頂

削竹尺餘椽人頂門留寸許於外謂之戴頂蓋朝兵勇之得功賞也

很賊殺人不用鐵一尺長檠椽腦裂雙睛墮眶舌出口七竅
殷紅盡含血椽不盡入留寸餘敢以名器相挪揄

朝廷賞功常孔亟冠頂時加不次職嗟爾兵勇速殺賊念此
冤民苦毒身莫使頭銜有媿色

劉忠節詩

并序

公名欽鄰字江屏其先江西新昌人曾祖讓明宏治
中任兩淮鹽運副使子孫遂以鹽筴占籍儀徵公登

順治十八年進士第知富川縣康熙十三年廣西孫
延齡反圍富川公嬰城固守會有內應遂陷公巷戰
被執授以僞官擲印大罵北向拜 關東向拜母賦
絕命詩遂自經事聞 贈太僕少卿諡忠節墓在邑
之青山

白沙江上青山青墓門傳有劉江屏先生舊是名臣後占籍
眞州長世守早時科第入金門遠道專城縮銀綬當年定鼎
逾三十已見纓槍天外散無端小醜忽陸梁黑氛壓陣妖雲
集先生固守無二心命與危城共呼吸兵勢雖單兵氣堅忠
魂未訴天先泣賊來圍之數十重以志作城不可攻守陣不
哭咸奮怒暮氣雖擊猶從容偪陽懸布屢爲斷臬比蒙馬何
由衝摩訶擲鏡應手仆李陵蹈刃張翥空一馬僅供三日食

一稍輒貫十數賊兵符請救神鬼愁毒箭飛空風雨亟先生
見之無懼色我身無力心有力岌岌孤城總不摧搖搖苦志
誰能識久知孚信及豚魚豈料陰謀生鬼域魚爛凶來事已
非破巢卵在完難得短兵巷戰無外援軍中未喪先軫元爲
賊所執賊不害授以一官轉麟趾手擲僞印乃大呼此物焉
敢來挽吾讀書有志豈可誣不願爾生願爾屠千秋自有青
史論一命竟挂朱繩殂大府列狀上其事

朝廷褒忠下其議易名之典紀其實崇爵之加厚其賜當今
聖主重大節更命所司錄後嗣事隔於茲歷

四朝恩騎頭銜賞延世吁嗟乎詞成絕命忠孝全流傳萬口
在富川君不見臨淮鐵萇宏血不及微臣猶有舌

不肯讓

惟賜

公詩云微臣猶有舌

謁選得湖南安福令述懷八章 錄一

記曾襪被上長安又向黃梁夢裏看未許虎頭飛食肉豈同
鼠目浪求官靜中已覺流觀熟老去重教入世難鄉國故人
應念我底須相對說彈冠

伊墨卿太守 秉綬 守惠州時重修朝雲墓并書墓銘裝

冊索同人題詠因次太守六如亭落成原韻

合江樓畔水清冷遷客南來似斷萍四偈禪心臨去悟六橋
香夢舊時醒已無雪蘂衣同縞惟見黃昏冢獨青太守前身
原玉局豐湖重與勒今銘

郭烈婦 并序

烈婦王氏湘潭庠生郭凌雲妻順治戊子潰兵掠鄉
村凌雲他出氏攜子之佩之璽扶姑避賊至半山灣

賊追急氏走伏茨中賊執其姑將殺之氏出抱姑曰
甯殺我毋殺我姑賊見氏少艾遂棄姑挾氏去氏度
姑與子已遠據地不肯行賊怒之氏罵不絕口賊刃
其首者三危坐而死逾年其夫始知其死覓骸以歛
屍尙如生余旣傳入邑乘進士郭雲麓汪璣其族孫
也將修譜來乞詩因詠其事

誰言烈婦不畏死蒼黃扶姑攜兩子誰言烈婦不畏賊潛匿
茨中行不得當年賊勢多猖狂殺人沿路飛刀光刀光落地
血上濺血氣挾風風不涼半山灣前姑被執老姑存叀在呼
吸烈婦躍出乃大呼但乞姑生不遑泣此時將死不知慘此
時對賊無不敢本是嬌柔一寸心居然激厲渾身膽出生入
死賊之令九死一生姑之命視死如生婦之性以死易生婦

之正不但保姑兼保兒此行慈孝兩得之不肯隨賊力誠果
三刃其首首不墮吁嗟乎豈惟三刃其首首不墮良人隔歲
求屍屍如生猶見道旁正襟作危坐

姚金聲

字振廷號指雲嘉興人乾隆庚寅舉人著最上樓詩鈔

續樵李詩繫孝廉幼孤績學家貧課徒奉母嗜吟咏工畫龍淋漓潑墨自喜指下勃勃有雲氣因自號指雲性寬厚樂施與四十無子忽夢一老人戒食魚子未幾舉一男因撰放生魚子記以勸世居母喪哀毀骨立患略卒

乙巳春日閩人林珠浦招飲積善庵賞牡丹卽事

遲遲春日曉晴光欲游不游神飛揚林逋呼我出門去野鶴
插羽臨風翔春波灌注螺溪曲波流活活含新綠精藍傍水
竹籬開無數名花春睡足閒庭深擁赤城霞此是人間富貴
花卻怪丰姿太濃豔如何相稱梵王家酒酣不復行觴政醒

者爲賢醉者聖我本無心入醉鄉陶然適我鳶魚性

孫功烈

號心淵歸安人乾隆庚寅舉人官山東淄川知縣著魁石山房詩鈔

吳興詩話李肯菴太守歸養以戰笠圖留歸雲菴掛瓢堂中門下土王復齋觀察鑿孫心湖大令功烈等於春日攜榼

瞻拜

高明寺

廣陵名勝地蘭若枕通衢抱戶雙流急穿雲一塔孤垂楊依

古渡落照淡平蕪兩歲三經此秋霜到鬢無

邵無恙

原名騷字無恙以字行號夢餘山陰人乾隆庚寅舉人官江蘇金匱知縣著蕉雪齋鏡西閣詩集

定香亭筆談夢餘詩學極深各體皆善標格稍遜矣瀟川而性靈才調過之真勁敵也佳句如雲鬢眠孤嶺湖平立遠帆泉聲松頂落花片竹陰飛青山入夢曾知己明月同舟富故人鶴影倦依涼月立雁聲寒帶夜霜飛皆清新俊逸雅近自然越

中商寶意後僅見此君

履園叢話邑侯邵公名騷以中書舍人出宰吾邑去官後改名無恙陳雲伯少時嘗從學詩其詩秀骨天成非

時輩所
能及

陳文述序略夢餘能文章尤工詩才力甚鉅而色韻清
遠若司空表聖所稱海風碧雲夜渚月明者尤自珍惜
不妄示人時袁大令枚居金陵君以詩示之所論不中
肯綮乃不復與談亦再不示人故君詩功力甚深而名
不聞於世

送章芝崖出塞

男兒既不能脅肩濫吹王門竿又不能赤腳歸荷南山耒短
劍揖客上馬去壯游直踏醫無閫我聞路出飛狐道北方健
兒身手好箭血秋紅幕下獐鬼燐夜碧原頭草古來戰壘長
城多花開塞下歌邊歌已報將軍營鐵嶺不須甲士枕琯戈
送君曉渡居庸口夕陽繫馬關前柳一夜新霜筆策寒行人
爛醉邊城酒城上黃雲如水流松山白月挂城頭西風吹起
遼東雁無限關山望越州

雪中送朱棟山之余吾

長安城頭嘶朔馬別酒一尊淚盈把雪花亂撲大如掌送君
直過太行下太行之西我舊游萬山葉落滹沱流雁門雁斷
哀猿叫荒寒易動他鄉愁并州十載歸不得君亦江東未歸
客醉臥黃壚雪滿天悲歌市上初相識丈夫壯志輕四方故
交離別誠可傷客途跋涉何踉蹌愁汝歲暮無衣裳家貧不
得留子住況我漂泊猶靡常古來遇合今則少富貴何能致
身早弔古侯嬴會入梁干時蘇季還投趙長平關下邊風寒
客去休歌行路難多少戰場秋燒盡關山好向月中看

吹柏井驛

已失關前路猶看嶺上霞青山爭送客寒食獨辭家匹馬逢
新月孤村落晚花出門無遠近分手卽天涯

夜發秣陵

暮發金陵道空煙散曲阿水門沈夜月山路上秋河宿鳥樹
邊靜流螢衣上多深憐掩闥者茆屋隱藤蘿

夜泊聞大風

夢覺驚飈起奔騰萬馬驅月沈空水動雲開一星無遠渚霜
鴻斷寒燈客舫孤高堂聞落木深夜念江湖

憶湘菜

梁園今夜雪寒定上征衣予季嗟何遠家書望轉稀烏驚寒
夜起雁避戰塵飛聞道南陽戍秋來未解圍

自註時南陽防禦楚寇

雨泊三塔灣有懷

花放揚州二月春一帆重泊綠楊津大江殘夜生新水微雨
扁舟夢古人上谷漫勞迴尺素青山曾許結比鄰何時得遂

幽棲志同訪湖干賀季真

雨夕感懷

落梅樓畔影層層門掩蕭騷午夜燈四海無依交易絕百年

多負客何能夢回雨雪迷梁苑

自註湘
藥在洛

頭白江湖望

裕陵讀罷九歌愁萬疊越猿雙淚灑溪藤

曉過故關

朝暉遠射嶺雲開烏壘高盤漢將臺山勢劃天分岸立河聲
驅石過關來成樓雲擁旌竿滿戰地風迴畫閣哀今日時清
仍設險少年誰是棄繻才

送人

青山一面出長安柳外斜陽駐客鞍握手離亭須盡醉明朝
有酒勸君難

野鷹來

野鷹來百族愁雙翅東復西燕雀羣啁啾百人乘大編峩峩
水上浮健婦立船尾惡少立船頭持篙叩兩舷中雜琅璫囚
打門滿地坐意豈升斗謀一家米一石言取不言求口稱官
府知索米無罪尤鄉農畏眾怒瓶盎傾乾餼斗粟那肯受干
錢尙不收自誇東村過錢帛盈囊投南村亦十千爾村甯獨
不里有解事者歛錢亟相調是皆凶賴徒不散良可憂欲滿
刺船去呼嘯過前洲田家作苦資索去無少留嗟嗟耕鑿人
何以安故邱

市馬行

陰風颯颯烏雅雅縣官下鄉索良馬千金飾馬送達官百金
先送司閹者閹者得金云馬好縣官火急徵馬草胥來捉人

草不足落日縣門笑野老爲謝野老豈得已縣官視民猶赤
子君不見驂駟駟駟騏驎達官之門如馬市

錢塘懷古

鐵騎長嘶薄建康議和議戰總淪亾鶴鴉春散將軍壘蟋蟀
秋開宰相堂海上孤兒沈趙氏夢中故土索錢王須知天意
成南渡良嶽山先號鳳凰

題望雲思親圖

朔風無甯日老樹無甯枝枝繁根乃枯成茲憔悴姿親年不
滿百百年有窮期子知養親日已非親壯時事親日苦短況
乃長別離白雲東南來招搖西北馳親舍隔萬里眠食何由
知朝得父母書長跪讀書詞得歸愼莫留不歸愼莫思勞勞
父母心淚下如綆縈仰視南歸雲猶在天一涯

游焦山飲梅花樹下贈楊明府

一山如斷雲四圍海氣白中有千藥萬藥梅江流倒漾花光
碧楊侯邀我酌梅花拂衣便坐花陰石夕陽沈沈不到地交
柯密蔭榦若鐵幽根半埋霹靂厓寒枝高壓虬龍宅一度花
開一歲春孤清不鬪江南雪試問梅花爾誰植昔年曾否焦
仙識碧海風迴有異香空山雪滿無行迹我疑古梅花卽是
高士魄一客爲橫琴一客爲吹笛玉管朱絲調未終綠英飛
下流霞席我抱梅花醉欲眠一身都化青天月

泊棲霞

不到棲霞麓蒼茫已八年一帆涼月下重泊寺門前高樹橫
秋漢空山響夜泉幽居聞最勝應探碧峯巔

重過金山題寺壁兼示龔春林

四年浮宦江南路往返揚州十六回
昨歲春風二三月醉吟
一上妙高臺載邀良友扁舟去
又見名山古剎開好語遠公
莫相笑過門原是昔人來

舟行

紅杏花開客放舟春風日日泛春流
一帆明月投淮浦兩岸
青山出兗州

遠戍空濛接呂城微風料峭半帆行
一江春雨絲絲暮臥聽
吳孃轉柁聲

程玉麟

字尼書涇安人乾隆庚寅
順天舉人官海甯學正

留別海昌諸友

海邦名勝足盤桓偏我經年濟勝難
病久臥游宗炳畫才疎
坐嘯鄭虔官一簾涼月窺人靜
雙劍清霜拂面寒饒得看鸞

詞滿篋片帆穩壓上巖灘

周夢齡

字世侯號誠園瑞安人乾隆庚寅副貢官廣東東莞知縣

瑞安詩存載園所存詩俱出塞時作

早雪

密雪紛紛四塞垂飄揚柳絮朔風吹誰知六出花飛日正是
三秋菊放時度嶺征鴻迷復失衝寒驛騎去還遲淒涼最是
窮荒客孰向山陰訪戴逵

吳引年

原名鄭字子長一字啟侯號雲裳錢塘諸生著益壽室初稿

蒲褐山房詩話啟侯一字雲裳少年多病有憂生之歎謁余於西湖梅莊以詩見示大抵前仿襄陽後仿昌谷清詞妙旨新警動人

曉出清波門至長橋

夜雨霽山郭松翠曉猶滴徑路聊延緣芑屨不覺溼古塔接

雲氣空亭聚野色
寓目皆天機
去住任所適
崑樓願久違
塵網苦見逼
不及釣魚人
湖灣獨吹笛

舟過五里塘

遠樹鬱蒼蒼
揚舲向野塘
風吹涼雨過
一路藕花香
客在閒鷗外
興隨流水長
相將有漁父
垂釣亦徜徉

游雲居寺懷胡庾香

蕭寺舊相識
今來獨款扉
秋風下古堞
涼氣滿生衣
佛共疎花靜
僧先宿鳥歸
悵然天末望
所惜故人違

黃

畹字小薊仁和人著
松鱗草堂詩存

雨泊無錫

望亭四望春陰生
惠山影落沙水清
風灣轉榭柳絲短
煙外鵝鳩三兩聲
張帆卅里停搖盪
小泊初傳候亭鼓
五兩今朝

送客風干絲薄暮催花雨不眠蓬底聞瀟瀟嫩寒襖被愁今
宵蓉江水漲綠波闊卧聽枕上生春潮溼鴉喚起城頭曙白
雲迷漫不知處雨歇春江曉露吹九龍一夜都飛去

鍾大溶

字漱石海甯諸生
箸飛雲軒詩草

宋棣曰漱石
尤工填詞

游大佛寺

山坳嵌蘭若殿脊樹梢聳支筇了夕來拾級足力勇石壁勢
嶽危瞿曇狀森竦禽聲幾樹懸山色一亭擁風鈴牆角搖雪
泉石腳涌窈然竹徑深蒼翠壓衣重拂苔憩禪牀雛僧一茶
奉坐久雨忘言不覺暮鐘動踏葉尋歸途涼意直到踵回指
雲煙中叢林互懔懔

顧

字笠岑石
門諸生

胡金勝曰笠岑酷嗜明詩綜略
能背誦擅古隸絕似鄒谷口

贈方鶴仙

索居今雨傷懷抱柴門一任春風掃朝聞剝啄喜見君傾蓋
恨不相逢早袖中出示黃絹詞陸離滿目欽才藻聯篇疊詠
富雕鏤詞源滾滾江河流險韻何妨限競病硬語直欲僵侯
劉清譚握塵樂晨夕但惜遠道多離愁何時玉谿秋水闊青
簾畫舫偕遨遊

董恩湛

字賦彤號春澤烏程諸
生著悔生稿游滇詩草

雨中觀羅浮雲氣不辨奇態萬狀又一變也因吟雨羅
浮

芙蓉四百青天開梅花十萬白雲栽道士橫吹鐵篴立美人
閒抱雲和來美人美人今不見髻鬢峩峩初識面胸中洗盡

塵十斗眼底透起雲一綫霎時阿香推車回雷轟電掣墨雲
堆海水飛立天河洗羅浮倒浸銀濤裏芭蕉葉大溼仙衣華
胥大覺悟非非癡龍沈沈停不飛瘦蛟僵立夔魑嘯山腰雲
黑山頭白雲端忽見數峯碧全身不露露半身山形窈窕如
美人我聞匡廬三千水簾谷雲霞幻隱真面目又聞東海蓬
嶠三神山遙遙可接風引遠羅浮縹緲兩峯亦閒隔風雨合
離人莫測古人斯語非荒唐仙境未許凡夫識吁嗟乎隴西
王孫眞謫仙月中仙佩魂夢牽瑯嬛咫尺迷塵路此意蕭騷
誰問天雨餘身在清涼界船唇高坐蒲帆挂有人天際識歸
舟一幅羅浮看雨畫

陳

濂字濂水號稻村慈谿諸生箸耕雪堂遺稿

北湖

東風吹暮春湖波泛新綠蒲柳拂長條亭空花影宿四圍列
煙鬟笑容如可掬山禽與水鳥上下相爭逐到此別有天何
必尋深谷坐我翠屏中不知有城郭

少伯祠

燒臺曾記舊時功醉呈叢祠在望中青雀斜陽翻浦樹綠螺
春水漲湖風千金嘗鑄鴟夷像數畝空傳苦竹宮不是扁舟
移棹去至今誰羨善藏弓

湯山曉眺

山在乍浦南門外

萬壑此朝宗山川盡禹封登臨觀海嶠浩蕩起魚龍絕域通
番舶邊疆靖戰烽千倭前代迹故壘臥蒼松

管濟川

字楫菴黃巖歲貢

了巖觀海

憑高望極海門東，萬頃鯨波浴日紅。
雲氣蒼茫迷島嶼，水光搖蕩上晴空。
當年鞭石人何在，此日浮槎興亦雄。
方丈蓬萊知不遠，願隨鵬背駕長風。

應

瓊字高先永康諸生著西園詩稿

壽山石洞

策馬古樵路清幽，別一天巉巖藏虎豹。
深谷足雲煙，野菊疏籬放，孤松峭壁懸。
登臨企風烈，仰止景前賢。

陳聖洛

字二川西安諸生著桐炭集候蟲集

費瀆傳略二川人品高潔與季弟聖澤族弟一夔同負詩名君尤傑出與游皆當世名士家藏圖史甚富終日坐擁不問戶外事手定詩文藁若千卷率清麗芊緜淵雅可誦鄭顥曰且翁詩如邊京兆畫一花一卉皆臻奇妙

擬古樂府

東山有喬木西山有女蘿相望祇爾許相去實已多空抱淩雲心終年成蹉跎女蘿復女蘿如此喬木何

天邊有明月海中有明珠託處雖異地光彩曾不殊月自升上天珠乃沈海隅明月復明月明珠將何如

讀柯山石刻得唐貞元元和二碑并錄其文以歸

殘局不可覆片石猶堪語卓哉嗜古人目光燎如炬搜索窮蒼厓俯仰勞偶旅鏗款認前朝摩挲得少女貞元尙有人平淮一機杆剗薜讀未足鴻篇入毫楮得與古人游山靈應嘉與

王

增字西霞號已亭會稽人乾隆辛卯一甲二名進士由編修改官河南祥符知縣著遲雲書屋詩遺

曉發桐廬

小縣萬山前離人此醉眠孤燈秋雨夜殘夢曉霜天藥訪桐

君宅星浮釣客船蒼茫問前路煙水正無邊

文信國故里

香城一柱砥迴瀾杜宇聲聲老樹寒燕市至今埋碧血故鄉
何處哭黃冠朝廷養士孤臣報山水鍾靈正氣完猶有懋明
能繼烈汗青同照寸心丹

章

詮 號湖莊歸安人乾隆辛卯進士
官廣東糧儲道著湖莊詩集

府志 詮由翰林改主事陞郎中出爲甯夏知府諭知渠
水最關民瘼爲濬漢渠唐渠惠農渠引水溉田渠被河
套水衝決捐廉修堵民德之立
碑於張政橋著有吳興舊聞補
藤陰雜記智化寺爲王振建梵宇巍峩振留土偶乾隆
初沈侍御廷芳奏毀寺近舉場章湖莊太守銓寓此賦
詩淋漓感慨可
作一則史論讀

和徐芷堂司馬詠秋海棠

催花擊鼓記明皇不到秋風薜荔牆正是愁中偏作侶每當

靜處亦聞香淒清雅稱終宵月
跌宕羞言半面妝我欲移來
供遠贈關河渺渺費商量

東城智化寺

寥落緇流在低徊舊道場寺
從天順建敕賜佛經藏忠盡傷
闍寺摧殘甚漢唐鐵牌誰滅迹
成祖首遺殃正統初登阼刑
餘未燬張中宮崩太后內闈失
三楊持柄惟王振膺城欠李
綱乘輿淪土木烽火入邊牆
幸是天人佑全無矢石傷童謠
符雨帝社稷賴郿王少保勳勞懋
元戎戰績彰奪門忘手足
復辟念貂璫尙謂忠誠著
宜令廟貌莊毘盧侈像設金碧
極輝煌殄瘁端因此貽謀遂
不臧南牙成水火北寺總朝堂
禍至上公魏凶踰西廠汪錦衣
蔭弟姪緹騎徧蘇杭更嘆生祠
建先於泮水旁初時聞近輔
延蔓及遐方要典春秋比聞人

左魏當門懸宸賜額爐燼尙方香開府乾兒輩中涓義父行
應山先斃獄廷彌續追賊赫矣思宗立於焉逆案詳縱加姦
黨戮無補國家亾女謁須嚴絕閹人必慎防如何令宦侍甘
使蔑王章此寺人憑弔前朝事渺茫兩碑俱沒字萬佛自迴
廊遺像今消歇層樓漸廢荒子孫忘法守先德服高皇

李慶曾

字省吾一字愚公汪度子仁和人乾隆辛卯舉人官湖北武昌知縣著愚公詩鈔

見授
杭郡詩三輯愚公少與章文簡諸公結吟社于繼芸軒
乘鐸婺郡以阮文達劉信芳兩學使薦引
武昌令將之任誠僕從毋納苞苴以全
我家清白廉聲播鄂渚開後卒于銅役

于役環山道中雜紀

獨權扁舟去篷窗畫不扇風和魚躍水雨密鳥梳翎摹帖字
留白看山眼尙青高人有遺躅千古仰儀型

書卷茶鐺到處攜一肩行李溯雙谿掛帆發鼓輕舟穩遙岸

長林新綠齊屋角
炊煙明樹杪
山凹春雪沒樵蹊
奚囊收拾
皆詩料得句時將細字題

地僻人煙少
風和海宇清
熬波晴作雪
背郭嶺連城
俗儉無憂
巖山多不礙
耕攜筇閒徙倚
布穀一聲聲

過盡重岡曲曲灣
幾家邨落翠微閒
多情地主留塵榻
不信天涯半海山
抱卷未能忘
結習尋僧聊復學
偷閒那堪回首
三春異又見葵榴五色斑

孫燕昌

改名塵談字孫剛嘉善人乾隆辛卯舉人著柳南草堂詩集

李其瀾序略孫圖事親孝謹志潔行芳博聞彊識善考
據引證發而爲詩文有古人法度錄取景山教習在京
數年旋以守制歸里因母老不復出杜門養志以詩畫自娛

魏塘竹枝詞

臨風鐵笛水雲涵
蓮瓣香濃酒正酣
莫漫持螯誇獨絕
分甘

一半與江南

汾湖亦名分湖以其半入吳江在邑西北三十六里產紫鬚蟹楊鐵崖有記

塔鈴無語雁空翔花外招提水一方偶借慈恩好名色青衫

幾度誤韋郎

斜塘鎮北歸真禪院創自元時明永樂間重建曰雁塔相傳舊有塔落成日羣雁來翔

茅庵如向鏡中移秋淨偏于夜景宜是水不知還是月僧窗

一色漾玻璃

水月菴在保西區水月蕩之濱初自宋紹定開明朱欽有記

鷗邊疎柳蓼花汀鏡外看山一髮青寫得江南漁隱趣前惟

松雪後虹亭

元錢重鼎居汾湖濱築水村趙松雪爲繪圖國朝魏孝廉禹平坤倩吳江徐檢討虹亭欽繪

圖自號水村

陳廷獻

字銓齋海鹽人乾隆辛卯舉人官蘭谿教諭著玉樹齋詩稿

校官詩錄乾隆甲辰三月廷獻於安瀾園接

駕蒙

大殿一正道光丁亥以俸深推升國子監典簿年高不能入都引退回籍辛卯例應重赴鹿鳴疾作不及赴宴

渡瀆謁楓山先生祠

純孝鄉名在先生此故居乞歸甘引疾敢諫苦陳書公以元霄燈火

之諫廷杖池水雨餘後門庭月照初流風欽絕代瞻仰欲歔歔

沈

琨字舫西歸安人乾隆辛卯舉人官山東泰安知府著嘉蔭堂詩存

府志琨生而穎異讀書過目不忘積學多通尤肆力於詩在御史三年疏凡十餘上皆闕天下大計不避嫌怨時稱真御史

過高漕河

萬頃頗黎鐵作城炎輝消盡挽舟行涼生宿鷺眠初穩風靜游魚聽有聲熨眼波光如練淨盪胸雲氣隔湖生推篷夜坐清如許多恐新詩寫不成

應正祿

字道之號恆齋永康人乾隆辛卯舉人官麗水教諭

縣志正祿七歲讀小學卽書做人定當如是于其上麗水訓士先德行後文藝作規約十二條每講學雖盛暑必冠帶學者景慕贊舍至不能容乃闢崇德廣業二齋及靜觀軒以居之並修學宮名宦鄉賢節孝諸祠及宋

兩浙輶軒續錄

卷十

沈琨 應正祿 徐崇樹

單

周孝
童墓

永康詩錄恆齋著有養正編先型錄課餘錄十二卷已梓薛胡梓語盧子精語未梓秦瀛曰自朱子倡道浙東經指授者皆有淵源而婺爲尤盛應子嗣響于風流闕寂之餘可爲吾道之幸

西園雜詠

南里有佳人容貌比西子倉卒許東鄰牽絲結連理情意兩
綢繆願得同生死合歡未及期恩義付流水遇此輕薄郎進
退何所倚何人能不嫁託身在慎始

徐崇燭

字西河西安人乾隆辛卯舉人官江蘇甘泉知縣著蓮湖詩草

朱文藻跋略西河秉鐸麗水擢宰阜甯調攝甘泉士民愛戴所至皆以文學飾吏治顧仙根序路先生吟詠自娛不事雕琢生平所著蓮湖詩草外又有續稿并蜀游草

贈別韓檢校告養回里

廿載風塵作冷官惟將詩酒度春寒倚閭老母歸心切待坐

諸生禮數寬應有人才光學校獨存正氣在衣冠長途山水
供吟眺可寄新詩帶醉看

陳玉垣

字珠泉海鹽人乾隆辛卯順天舉人官
湖南巴陵知縣纂集翠軒詩集十卷

李生行

李生學劍不學書識字乃從篆刻始秦璽漢印皆我師笑它
負篋邨夫子古人先河而後海由篆生隸隸生楷俗書變幻
雲從風膚寸誰尋岱岳東升斗販糶便果腹幾向秋原辨稂
穰吁嗟此道荒蕪久偏旁淆亂漢碑有李生李生爾之好古
志不磨赤文綠字咸雕摹古來字少今字多命名稱字俗易
訛浚長一編窮搜羅君不見以鎗爲劉綬爲免洞渦驛印作
同戈

張志楓

字雙瞻號午橋烏程人乾隆辛卯順天舉人
國子監學正改官蕭山教諭著古松齋詩鈔

峽山飛來寺

粵東嶺海稱靈藪山勢峻嶒水奔走羅浮風雨我未經佳處
迺見峽江口中有古寺名飛來謂是仙都福地之十九不知
此寺始何年山僧爲余陳末嶺云昔飛來自江左齊梁世代
仍相沿又聞二禺結隱實於此乃是軒轅黃帝之胄子上世
荒遠已難徵行將考信稽前史我來尋勝探花宮陟歷直將
造化窮一灣凝碧千萬頃當軒矗立青芙蓉微聞經唄出林
迴清磬一聲徹松頂天風吹落碧珠散泠泠試挹煎春茗石
徑屈曲何盤盤叢木蒼鬱暑亦寒歸猿洞口白雲護連理之
木如虬蟠磨厓刻詩字迹漶獨惜坡書久已淪飛湍平生素
願愜幽賞每每自作出塵想神仙窟宅此卽眞休問蓬萊更
方丈榜人催發一帆輕回頭處處神俱往

汪日孜

字子思號虛臺世勳子仁和人乾隆辛卯副貢議敘布政司經歷

花朝日招丁敬身先生周亦庵荻江弟集春草堂詠園

中梅花

佳日還追撲蝶會小園贏得盍簪誇一池春水渲梅影二月
東風溲酒花吟壘勇殲韓國飜盤飧慙供庾郎鮭天工亦遣
相料理向晚晴烘魚尾霞

賈朝琮

字公桓號嘯軒平湖人乾隆辛卯副貢著嘯軒詩集

胡昌基曰嘯軒偉軀善吟臆力絕人善舞雙刀輪轉如
飛嘗以省親入蜀往返萬里不借僕從亦無寇盜患中
年遍探會稽天台洞庭京口豫章諸勝所至輒有題詠
晚年卜居南郊之竹谿與二三知己蒸酒爲樂精六壬
數自占祿命當盡于甲戌之某月日時屆期召于婦及
己嫁女團坐榻前談笑訣別從容自若至黃昏忽日且
各歸寢過此諒無虞也眾方散而目已
瞑矣詩才氣奔放綽有古大家風格

坂子磯

赤眉已入長安城四海紛弄潢池兵宮中日日演春燈坐令
大廈崇朝傾良玉健兒不殺賊露章先欲清君側瑀戈鐵甲
捲地來主臣相顧無長策軍符四出羽書飛勅旅悉調屯坂
磯可憐靖南龍虎將貪參虛爵乖憑依昔人忌器慎投鼠將
軍跋扈眞輕舉犬子何足付大事喋血臨侯悲誤汝扁舟挂
席此經過江流浩淼山嵯峨試問當年鏖戰處空餘殘壘凌
寒波

曉登龍泉山

繁星滿天銀漢斜雞聲喔喔來山家夜半披衣踏殘月蕭蕭
兩鬢凝霜華嶢巖峭壁盤迴上耳中惟聞山澗響馬蹏蹏蹀
背汗流忽到天門驚詆蕩瞳瞳曉色萬象開彩霞片片東飛
來千峯矗立芙蓉堆彷彿海上金銀臺前生本是紫芝客十

年枉踏槐花陌，擎雲心事說不得。獨立高峯弄寒碧。

徐明昶

字采朝，西安人。乾隆辛卯副貢，著蓉菊園詩稿。

陳聖澤序略采朝淹貫經史，工詩文，著詩經析義若干卷。

登龜峯尋羣峯亭故址

清獻題詩無與羣，山亭已圯論紛紛。五百餘年但青草，三十
二峯多白雲。興廢由來無定局，登臨儻可據遺聞。寒鴉幾個
疏林外，獨立斜陽酒半醺。

李堯棟

字松雲，山陰人。乾隆壬辰進士，官福建延平知府，著寫十三經室詩鈔。

仙霞嶺

亂竹刺天高松聲，萬壑濤千盤出雲表。百里見秋毫，北望無
飛鴈。南維劃斷鼉螿煙，深隔處天爲限神皋。

胡森桂

字小山，永嘉人。乾隆丁酉拔貢，官宣平教諭。

兩浙輶軒續錄

卷十

徐明昶 李堯棟 胡森桂 顧相

四

縣志森桂有介
節勤於課士

過武林有詢孤嶼之勝者詩以答之

宛然浮玉在中流
山色濤聲四面收
佛呪蓮花開寶界
人尋瑤草到瀛洲
塔鈴自語風生夜
漁笛誰吹月正秋
約略西湖堪比擬
不妨喚作小杭州

顧

相字簡之錢塘諸生

杭郡詩三輯簡之性孝友任事樸實中具條理侍繼母尤謹使弟力攻儒業已則習賈以供膏火辛勤廿載家業復振里中義舉親族昏喪每周助之

集道古堂分得李陵銅印歌

古銅一方負質異
撥蠟鎔成漢所製
攻堅鐵筆如有神
鑄出少卿私印字
少卿詩格創當年
至今人誦河梁篇
五言妙句自不朽
斜鈐紫鐱還流傳
汪子平生嗜奇古
珍賞詎惜千金

賈秦章漢印富搜羅唐宋元明咸入譜犀兕之角饒建瓷稷
下青田罔或遺桃紅艾綠好顏色鏤以獅象蟠蛟螭終朝對
此情無極豔豔秋葩分座側嘉賓不速常滿堂相與考古恣
拂拭我昔曾次六書中大小二篆形不同蝌蚪蟲鳥混莫辨
徒滋笑口慚愚蒙偉哉汪子有特識蒼籀遺文靜中得更看
大筆濡淋漓箸作紛紛盈硯北

許

機

字南六仁和諸生
著萍影集十卷

孝烈祠

祠在完縣祀孝女
亳州魏氏木蘭

緩急無所用生男又若何動名辭漢爵廟祀共曹娥紅粉朝
臨鏡黃沙夜枕戈將軍英氣在重讀木蘭歌

管題雁

字柳衣海甯諸生
著萬拓堂詩集

錢泰吉曰柳衣嘗偕弟聞風明府應祥至京應試與汪
殿撰如洋俞編修大猷交最密聞風官湖北利川縣偕

之官闕風沒經紀其喪以歸
晚歲授徒自給吟詠不倦

晨發高唐驛

曉起茅簷片月低霧中雲樹望中迷世閒何事催人老半是
雞聲半馬蹏

蔣

元

字大始號澹村平湖諸生著叢桂堂集

丁子復傳略君整衣冠危坐讀先儒書牛毛繭絲細入無閒外物無足以動其心者生平篤信楊園清獻謂程朱之學不被羣陰剝盡者賴此一陽之復云著有古文載道編喪祭雜說人範救荒書補戰國策編年毛西河集糾謬及楊園先生年譜

讀楊子法言

漢興二百載羣儒寡居要上者事訓詁下者矜詞妙聖學絕
無傳誰能陟堂奧惟有草元亭猶未窺全豹著書十三篇始
學終於孝醇疵各居半精詳全未造效顰更堪嗤志竊論語

肖聖賢自有真何必襲其貌王尙門人過文中子中說揚何躬自
蹈惜哉載道文翻作優孟調

讀袁機仲通鑑紀事本末十六首 錄二

武皇英略重開邊通道西南邛冉滇一自夜郎臣服後焚童

笮馬自年年漢通西南夷

務勤遠略廣威恩旄節兵戈出玉門但使蒲桃天馬至不妨

公主嫁烏孫漢通西域

陳璞字太初長興諸生著太初集

下若寺

斜陽牛背笛緩趁樹陰來一曲空流水遠山花亂開英雄原
上草王業劫餘灰感慨誠多事春風又綠苔

孫鳳飛

字錫九號桐齋其濬孫會稽諸生著桐齋學吟萃洲小詠各一卷硯香詞四卷補鈔一卷

家傳略桐齋公逾冠卽以名法佐治遺訓後人勿輕慕
幕游略云營私枉法少知自愛者或無此慮惟是學有
未至妄冀速化一據賓席不免師心冒昧從事謬戾宏
多雖曰無心之過足造彌天之變又云吾三十餘年無
一日賦閒亦無一日自逸每至歲晚務閒必循念生平
所治獄惟恐有豪釐之謬而回光反照之一刻有遺恨
也今者心地平夷似無大過轉慮後人未必能如吾用
心故願勿忘未命否則九原有知必弗佑之也此物平
時所御菸箭陳几筵忽自裂膏油滿中拭之赤如丹砂
王父奉之泣示我諸父曰先人所以胎子孫今日之安
者皆此一痕心血釀成之殆靈爽所凭以示我後嗣也
已而王父攝義烏教諭縣富室樓氏請釋奠其宗祠則
公位在焉蓋樓氏嘗陷巨獄一家九十餘口且連坐賴
公平反令君以告樓氏故以是爲報公初不以語家人
至是始得之旋遇
特恩贈文林郎義烏縣教諭皆曰天也

贈山僧

采藥不知處悠然麋鹿羣山空松子落衣衲自生雲

詠史

毛生隨趙使不出囊中錐珠履三千客翩翩知爲誰

金陵晚眺

霧隱鍾山雨乍收一聲寒笛石城秋六朝無限傷心事獨立
西風問野鷗

秋晚旅行

西風吹不極客路已微曠古渡帆檣亂寒原草木零潮連秋
月白山入暮煙青斷雁知何處鄉愁獨杳冥

寄張看雲先生

陶潛詩思近何如知賦停雲乏素書楊柳曉風孤客寢蒹葭
秋水故人居筆牀茶竈閒吟外布襪棧鞵遣興餘寄語鷺湖
鷗伴侶春帆千里到涵虛

聞名曾陪諸君子修禊于此

夜行良鄉道中口占

燕山在望鬱岩堯古道蒼茫暮色遙河渡琉璃驚汗馬林開

皁櫟起霜鵬素衣塵薄寒于雪皓魄秋空夜似潮征路不知
何處宿雞鳴嘹歷度中宵

秋登龍山

秋色在山好緣崖翠可捫閒雲僧寺出靜晝鳥聲喧樹古連
州宅天空近海門坐邀涼月上城市欲黃昏

旅夜

策策荒林葉蕭蕭秋夕風如何孤客寢只在月明中穗落寒
燈盡壺傾濁酒空凭闌獨長望不見有歸鴻

徐庚瑞

號少溪
江山人

旅窗懷舊詩徐公情好同先子歷歷交遊五十年尙有
贈行詩句在重緝舊篋一潛然自注丈與先子論交最
深嘉慶戊辰先子舉本省鄉試計偕北上丈
有贈行詩丈平生作詩甚富惜不甚留稿

贈劉眉士

佳計偕北上

詩句頻因送別催雲山此去卽蓬萊春風音信泥金帖舊雨
情懷竹葉杯五夜聞雞征客夢萬言倚馬少年才龍頭準擬
增聲價飽啖紅綾得意回

繆試雋

字贖莊分
水歲貢

縣志試雋能文工詩預千叟宴於

皇極殿

賜壽杖荷包

綴疋

嚴州詩錄嘉慶元年恭預千叟宴戊午

欽賜

舉人辛酉
翰林院檢討

年八十五

預千叟宴集唐恭紀

禁城春色曉蒼蒼

賈至

繞仗偏隨鵝鷺行

錢起願上

玉宸千萬壽

吳道文更祝

日重光

張說

兩河車馬餘金
卷一
日月天衢仰面看

白居易

風吹歌管下雲端

韓偓

瑤池宴罷歸來

晚

韋莊

中使頻傾赤玉盤

王維

胡萬里

字朝選號雪村瑞安諸生

重至清泉菴感舊

祇廬舊是羈棲地風景依稀記往年
花逕夕陽林下屋春山朝霧雨餘天
社中此日逢人少松頂何年有鶴旋
尙喜同心能倡和不妨邱壑暫相捐

秋日有懷郭海門楊白水山中

落日雲江淡暮煙故人林壑思緜緜
雨餘秋圃閒尋韭簾捲青山坐艸元
木杪葉稀丹嶂出陰崖霜淨綠蘿鮮
幾時鞵杖還相顧醉臥藜牀聽澗泉

趙貽瑄

字灌松樂清諸生箸存修齋詩集

快軒詩則灌松論詩過嚴晚年自定親付梓未果而歿
然其詩所存止二百首五律特精嘗見其縉雲道中云
樹杪飛泉急山中宿雨過秋隨黃葉老寒上
袂衣多風格絕類劉文房惜忘其後半矣
朱壽保曰灌松寓居郡城兼精醫術晚號聾道人時李
石農觀察鑿宣契其詩相與唱和名重一時其官穀行
一首已刻入瑞安縣志月夜舟行至豐湖一首李觀察
謂其可以壓倒元白是灌松各體俱工不獨五言近體
逼近唐人也

官穀行

白頭老烏巢高木嘯聲啞啞飢攫肉雞羣駭散犬驚吠惡吏
打門催官穀里戶顛頰語吏胥吾家生計誠窮蹙去歲禾田
半旱荒今年亦未能全熟吾家十日九斷炊入口嗷嗷盡枵
腹不信但看見在身骨立有似龍鍾竹垂死欲救恐不贍何
以輸公盈斗斛惡吏聞言肆作威恐以危言怒以目鐵索琅
瑯擲階除里戶魂驚失聲哭迴顧稚子慘無言勢逼不能終

撫育忍慈割愛鬻豪門昨日嬌兒今奴僕我聞常平倉穀積
之有年所平糶不行應饒足比年補買自頻仍毋乃朽蠹空
儲蓄吁嗟乎蒼生赤子一視同撫字心勞爲民牧君不聞
聖主仁如天蠲賦蠲租

恩澤渥

寄卜配玉讀書齋

之子讀書處茆屋三峯陰盡日無人到春苔一徑深鼎彝餘
古色泉石愜幽心耿耿成相憶江雲暮欲沈

兩浙輶軒續錄卷十